

No. 336. 1459. 14. u. 30. Aug.

*Kurfürst Friedrich II. erklärt, einer Seiten des heimlichen Gerichts an ihn ergangenen Aufforderung, dem zu Gunsten des Mathias Makwicz gesprochenen Urteil Genüge zu leisten, nicht entsprechen zu können, da der Kläger die von Leipzig wider päbstliche und kaiserliche Befreiung und ohne dass ihm das Recht verweigert worden sei vor auswärtigen Gerichten verklagt habe.*

Frederich von gotes gnade herczoge zcu Sachßen ꝛ. korfforst, langraff in Doringe vnd margraff zeum Missen.

Libin besondern. Noch dem ir vns von irsuchungen wegin Matteß Mockewicz also einen erezmarschallig deß heilligin Romischen richs vormant habet, daz wir die von Lipzek dar zu welden vor mogen, dem gnanten Matteß Mockewicz vmbe syne erwonen sache vor dem heymelichen gerichte genug zcu thunen ꝛ., haben wir mit forderim inhalde uwir schriffte wol vorstande, vnd vns ist vnuorburgin vnd wol in dencken, das der selbige Mateß Mockewicz von langest bisher gen eezlichin den vnserin zcu Lipiezk vnbillich vnde ane redeliche sache genotigit vnd sie weder vnsir bebestliche vnd keyßerliche fryheit manichfeldeglich vmb getreben hat, der wir douch ye zcu glich vnd rechte mechtig gewest vnd noch sint. Doch so haben sich die gnanten von Lipiezk alleczit mit vollen vnde rechten gebotin vnde ander notdorfftiger wiße vnd wir also or naturlicher erbherre hir inne also bewißet, das wir vnd sie mit vns vortrostunge haben zeum rechten, das alle orteil proceß vnd irfolgung wedder vnsir priuilegia vnd solliche volgebot geyn on vorgenommen vnerefftig tod vnd allir macht darben sullen, also das zcu syner zeyt wo es not wurde syn folliglichen wol erschynen sal vnd vor bracht werdin, vnd meyne wol, das ir vns nach dißer sachen gestalt also nicht ersuchen forder geczugkenische nicht geben dorffet. Gebenn zcu Lipiezk am dinstag vigilia assumptionis Mariae anno ꝛ. L nono.

So douch dißer briff clerlich vßwiset, den vnß der hochgeborn furste zcu geschreben vnd gesant hat alzo obin geschrebin stet, den wir echt vnd recht frygin schepphin haben . . . augscoltiret von worttin zcu wortin, das sage vnd bekennen das bey eren vnd eydin also wir hir noch geschrebin mit namen Michil Konigestal, Caspar More, Hans Czyring, Nickel Paul. Zcu warem bekentznisse wir mer gnante fryge schepphen vnßer sigille vnden an dissin offin [brief] gehangen, der denne Peter Lucke vnd Hans Muller iczunt mitte gebruchen sint. Datum anno domini in ipso die Felici et Aucti L nono.

Nach dem Orig. im Rathsarchiv zu Leipzig mit vier wohlerhaltenen Siegeln an Pergamentstreifen.